

四庫全書薈要

• 乾隆御覽本

集部

文忠集卷三

宋 歐陽修 撰

居士集第三

古詩三十一首

啼鳥

窮山候至陽氣生百物如與時節爭官居荒涼草樹密

撩亂紅

一作亂紅殷

紫開繁英花深葉暗輝朝日日

一作

暖

衆鳥皆嚶鳴鳥言我宜解爾意綿蠻但愛聲可聽南窓

睡多春正美百舌未曉催天明黃鸝顏色已可愛舌端

啞咤如嬌嬰竹林靜啼

一作啼盡

青竹笋深處不見惟聞聲

陂田遠郭白水滿戴勝穀穀催春耕誰謂鳴鳩拙無用

雄雌各自知陰晴雨聲蕭蕭泥滑滑草深苔綠無人行

獨有花上提葫蘆勸我沽酒花前傾其餘百種各嘲啗

異鄉殊俗難知名我遭讒口身落此每聞巧舌宜可憎

春到山城苦寂寞把盞常恨無娉婷花開鳥語輒自醉

醉與花鳥為交

一作友

朋花能嫣然顧我笑鳥勸我飲非

無情身閑酒美惜光景惟恐鳥散花飄零可笑靈均楚
澤畔離騷憔悴愁獨醒

遊瑯琊山

南山一尺雪雪盡山蒼然澗谷深自暖梅花應已繁使
君厭騎從車馬留山前行歌招野叟共步青林間長松
得高蔭盤石堪醉眠止樂聽山鳥攜琴寫幽泉愛之欲
忘返但苦世俗牽歸時始覺遠明月高峯巔

讀徂徠集

徂徠魯東山石子居山阿魯人之所瞻子與山嵯峨今
子其死矣東山復誰過精魄已埋沒文章豈能磨壽命
雖不長所得固已多舊業偶自錄滄溟之一蠹其餘誰
付與散失存幾何存之警後世古鑑照妖魔子生誠多
難憂患靡不罹音羅宦學三十年六經老研摩問胡所專
心仁義丘與軻揚雄韓愈氏此外豈知他尤勇攻佛老
奮筆如揮戈不量敵衆寡膽大身么麼往年遭母喪泣
血走岷峨垢面跣雙足鋤犁事田坡至今鄉里化孝悌

勤蠶禾昨者來太學青衫踏朝靴陳詩頌聖德厥聲續
猗那羔鴈聘黃晞晞驚走鄰家施為可恠駭世俗安委
蛇謗口由此起中之若飛梭上賴天子聖不挂網者羅
憶在太學年大雪如翻波生徒日盈門飢坐列鷹鵝絃
誦聒鄰里唐虞賡詠歌常績最高第騫游各名科豈止
學者師謂宜國之皤天壽反仁鄙誰知此偏頗不知訕
訕者又忍加詆訶聖賢要久遠毀譽暫諠譁生為舉世
疾死也一作者魯人嗟作詩遺魯社祠子以為歌

大熱二首

四時成萬物寒暑迭鈞陶壯陽當用事大夏蒸炎歊造
化本無情怨咨徒爾勞身微天地濶四顧無由逃九門
閭闔開萬仞崑崙高積雪寒凜凜清風吹寥寥嗟我雖
欲往而身無羽毛

陽暉燦四野萬里織雲收羲和困路遠正午當空留枝
條不動影草木皆含愁深林虎不嘯臥喘如吳牛蜩蟬
一何微嗟爾徒啾啾

幽谷泉

踏石弄泉流尋源入幽谷泉傍野人家四面深篁竹溉
稻滿春疇鳴渠遶茅屋生長飲泉甘蔭泉栽美木潺湲
無春冬日夜響山曲自言今白首未慣逢朱轂顧我應
可恠每來聽不足

百

一作柏

子坑賽龍

嗟龍之智誰可拘出入變化何須更壇平樹古潭水黑
沈沈影響疑有無四山雲霧忽晝合瞥起直上擎空虛

龜魚帶去半空落雷輶電走先後驅傾崖倒澗聊一戲
頃刻萬物皆涵濡青天却掃萬里靜但見綠野如雲敷
明朝老農拜潭側鼓聲坎坎鳴山隅野巫醉飽廟門闔
狼籍烏鳥爭殘餘

憎蚊

擾擾萬類殊可憎非一族甚哉蚊之微豈足汙簡牘乾
坤量廣大善惡皆含有荒茫一作荒三五前民物交相黷

禹鼎象神姦蛟龍遠潛伏周公驅猛獸人始居川陸爾

來千百年天地得清肅大患已云除細微遺不錄蠅蚋
蚤虱蟣蜂蝎蛇蝮惟爾於其間有形纔一粟雖微無
奈衆雖小難防毒嘗聞高郵間猛虎死凌辱哀哉露筋
女萬古讎不復水鄉自宜爾可恠窮邊俗晨飡下帷幃
盛暑泥駒犢我來守窮山地氣尤卑溽官閒懶所便惟
睡宜偏足難堪爾類多枕席厭緣撲燠簷一作苦烟埃
燎壁疲照燭荒城繁草樹旱氣飛炎熇羲和驅日車當
午不轉轂清風得夕涼如赦脫囚梏掃庭露青天坐月

陰嘉木汝寧無他時

一作日

忍此見

一作見此

迫切翱翔伺昏

黑稍稍出壁屋填空來若翳聚隙多可掬叢身疑陷圍

聒耳如遭哭猛攘欲張拳暗中甚

一作疑

飛鏃手足不自

救其能營背腹盤飡勞扇拂立寐僵僮僕端然窮百計

還坐瞑雙目於吾固不較在爾誠為酷誰能推物理無

乃乖人欲騶虞鳳凰麟千載不一矚思之不可見惡者

無由逐

重讀徂徠集

我欲哭石子夜開徂徠編開編未及讀涕泗已漣漣勉

盡三四章收淚輒忻懽切切

一作昭昭一作昭晰

善惡戒丁寧仁

義言如聞子談論疑子立我前乃知長在世誰謂已一作

子沈泉昔也人事乖相從常苦艱今而每思子開卷子

在顏我欲貴子文刻以金玉聯金可爍而銷玉可碎非

堅不若書

一作傳

以紙六經皆紙傳但當書百本

一作傳十以為

百傳百以為千或落於四夷或藏在

一作於

深山待彼謗

焰一作艷

熄放此光芒懸人生一世中長短無百年無窮

在其後萬世在其先得長多幾何得短未足憐惟彼不
可朽名聲文行然讒誣不須辨亦止百年間百年後來
者憎愛不相緣公議然後出自然見姪妍孔孟困一生
毀遂遭百端後世苟不公至今無聖賢所以忠義士恃
此死

一作輕死

不難當子病方革謗辭正騰喧衆人皆欲

殺聖主獨保全已埋猶不信僅免斲其棺此事古未有
每思輒長嘆我欲犯衆怒為子記此冤下紓冥冥忿仰
叫昭昭天書於蒼翠石立彼崔嵬巔詢求子世家恨子

兒女頑經歲不見報有辭未能銓

一作詮

忽開子遺文使

我心已寬子道自能久吾言豈須鐫

汝癭答仲儀

一作答王素汝癭

君嗟汝癭多誰謂汝土惡汝癭雖云苦汝民居自樂鄉

閭同飲食男女相媒妁習俗不為嫌譏嘲豈知忤汝山

西南險平地猶磽确

一作确磬一作磬磬一作确磬

汝樹生擁

一作癭

腫

根株浸溪壑山川固已然風氣宜其濁接境化襄鄧餘

風被伊雒思予昔曾遊所見可驚愕喔喔聞語笑累累

滿城郭偃婦懸甕盎嬌嬰包卵殼無由辨肩頸有類龜
縮殼噫人稟最靈反不如鳬鶴駢枝雖形累小小固

一作

故可畧癰瘍暫畜聚決潰終當涸贅疣附支體幸或不

為虐未若此巍然所生非所託咽喉繫性命鉞石難砭

一作破削農皇古神聖為世名百藥豈不有方書頑然莫

銷燥

一作鏽

溫湯汝靈泉亦不能湔滌君官雖謫居政可

瘳

一作瘳

民瘼奈何不哀憐而反恣訶

一作嘲

諛文辭騁新

工醜恠極名貌汝士雖多奇汝女少纖弱翻思太守宴

誰與唱清角垂離南北殊魂夢山陂邈握手未知期寄

詩

一作書

聊一噓

滄浪亭

一本上云寄題子美

子美寄我滄浪吟邀我共作

一作賦

滄浪篇滄浪有景不

可到我東望心悠然荒灣野水氣象古高林翠阜相

回環新篁抽笋添夏影

一作景

老桤亂發爭春妍水禽閒

暇事高格山鳥日夕相啾喧不知此地幾興廢仰視喬

木皆蒼煙堪嗟人迹到不遠雖有來路曾無緣窮竒極

恠誰似子搜索幽隱探神仙初尋一逕入蒙密豁目異境無窮邊風高月白最宜夜一片瑩淨鋪瓊田清光不

辨水與月但見空碧涵漪漣

一有姑蘇臺邊人響絕夜靜往往聞鳴船兩句

清

風明月本無價可惜祇賣四萬錢又疑此境

一作景

天乞

與壯士憔悴天應憐鵑夷古亦有獨往江湖波濤渺翻

天崎嶇世路欲脫去反以身試蛟龍淵豈如

一作知

扁舟

任飄瓦紅渠綠浪搖醉眠丈夫身在豈長弃新詩美酒

一作詩新酒美

聊窮年雖然不許俗客到莫惜佳句人間傳

寶劍

寶劍匣中藏暗室夜常

一作尚

明欲知天將雨錚爾劍有

聲神龍本一物氣類感則鳴常恐躍匣去有時暫開鎬

疑止當
作局

煌煌七星文照耀三尺冰此劍在人間百妖夜

收形姦兇與佞媚膽破骨亦驚試以向星月飛光射攬
槍藏之武庫中可息天下兵奈何狂胡兒尚敢邀金繒

秋晚凝翠亭

探韻作

黃葉落

一作落
葉滿

空城青山遠官解風雲淒已高歲月驚

何邁陂田寒未收
野水淺生派晴林
紫榴坼霜日紅梨
曬蕭疎喜竹勁寂
寞傷蘭敗叢菊如
有情幽芳慰孤介
嘉客日可携寒醅
美新醉音賁登臨無厭頻
冰雪行即屆

菱溪大

一本無大字

石

新霜夜落秋水淺
有石露出寒溪垠
苔昏土蝕禽鳥啄
出沒溪水秋復春
溪邊老翁生長見
疑我來視何殷勤
愛之遠徙向幽谷
曳以三犢載兩輪
行穿城中罷市看
但驚可恠誰復珍
荒烟野草埋沒久
洗以石竇清冷泉

朱欄綠竹相掩映選

一作邀

致佳處當南軒南軒旁列千

萬峯曾未有此奇嶙峋乃知異物世所少萬金爭買傳
幾人山河百戰變陵谷何為落彼荒溪漬山經地誌不
可究遂令異說爭紛紜皆云女媧初鍛鍊融結一氣凝
精純仰視蒼蒼補其缺染此紺碧瑩且溫或疑古者燧
人氏鑽以出火為炮燔苟非神聖親手迹不爾孔竅

一作穴

誰雕刻又云漢使把漢節西北萬里窮崑崙行經于

闐得寶玉流入中國隨河源沙磨水激自穿穴所以鐫

鑿無瑕痕嗟予有口莫能辨嘆息但以兩手捫盧仝韓
愈不在世彈壓百恠無雄文爭奇鬪異各取勝遂至荒
誕無根原天高地厚靡不有一作有定醜好萬狀奚足論惟
當掃雪席其側日與嘉客陳清罇

送姜秀才遊蘇州

憶從太學諸生列我尚弱齡君秀發同時並薦幾存亡
一夢十年如倏忽壯心君未減青春多難我今先白髮
山花撩亂鳥綿蠻更盡一罇明日別

送孫秀才

高門煌煌赫如赭勢利聲名爭借假

一作假借

嗟哉子獨不

顧之訪我千山一羸馬明珠渡水覆舟失贈我璣貝猶

滿把

生携文數十篇見訪渡江而失

遲遲顧我不欲去問我無窮慚報

寡時之所弃子獨嚮無乃與世異取舍

新霜二首

天雲慘慘秋陰薄臥聽北風鳴屋角平明鷺鳥四散飛
一夜新霜群木落南山鬱鬱蒼蒼可愛千仞巉巖如刻削

林枯山瘦失顏色我意豈能無寂寞哀顏得酒猶彊發
可醉豈須嫌酒濁泉傍菊花芳爛漫短日寒輝相照灼
無情木石尚須老有酒人生何不樂

荒城草樹多陰暗日夕霜雲意濃淡長淮漸落見洲渚

野潦初清

一作暗

收斂澱蘭枯蕙死誰復弔殘菊籬根爭

豔豔青松守節見臨危正色凜凜不可犯芭蕉芰荷不
足數狼藉徒能污池檻時行收斂歲將窮冰雪嚴凝從
此漸咿呦兒女感時節愛惜朱顏屢窺鑑惟有壯士獨

悲歌拂拭塵埃磨古劍

豐樂亭小飲

造化無情不擇物春色亦到深山中山桃溪杏少意思

一作有自趁時節開春風看花遊女不知醜古粧野態

誰顧

爭花紅人生行樂在

一作當

勉強有酒莫負瑠璃鍾主人

勿笑花與女嗟爾自是花前翁

四月九日幽谷見緋桃盛開

經年種花滿幽谷花開不暇把一卮

一作枝

人生此事尚

難必況欲功名書鼎彝深紅淺紫看雖好

一作美

顏色不

奈東風吹緋桃一樹獨後發意若待我留芳菲清香嫩
藥含不吐日日恠我來何遲無情草木不解語向我有
意偏依依羣芳落盡始爛漫榮枯不與衆豔隨念花意
厚何以報唯有醉倒花東西盛開比落猶數日清

一作芳

罇尚可三四携

秋懷二首寄聖俞

一本擬五
郊體秋懷

孤管叫秋月清砧韻霜風天涯遠夢歸

一作歸
遠夢

驚斷山

千重群物動已息百憂感從中日月矢雙流四時環無窮
隆陰夷老物摧折壯士胸壯士亦何為素絲悲青銅
羣木落空原南山高龍從巉巖想詩老瘦骨寒愈聳詩
老類秋蟲吟秋聲百種披霜芳一作掇孤英泣古弔荒塚
琅玕叩金石清響聽生慄何由幸見之使我滌煩冗飛
鳥下東南音書無日捧

希真堂東

一本無東字

手種菊花十月始開

當春種花唯恐遲我獨種菊君勿謂春枝滿園爛張錦

風雨須臾落顛倒看多易厭情不專關紫誇紅隨俗好

豁然高秋天地肅百

一作萬

物衰零誰暇弔君看金藥正

芳敷曉日浮霜相照耀

一本有後時寧與竹栢榮媚世不爭桃李笑兩句

煌煌

正色秀可餐藹藹清香寒愈峭高人避喧守幽獨淑女

靜

一作觀

容修

一作羞

窈窕方當搖落看轉佳慰我寂寥何

以報時携一罇相就飲如得貧交論久要我從多難壯

心衰迹與世人殊靜躁種花勿

一作不

種兒女花老大安

能逐年少

拒霜花

芳菲能幾時顏色如自愛鮮鮮弄霜曉裊裊含風態
蘭頰秋香桃李媚一作嬌春醉時節雖不同盛衰終一致
莫笑黃菊花籬根守憔悴

懷嵩樓晚飲示徐無黨無逸

一本作奉和徐生見示懷嵩樓晚飲一本

無見
示字

滁山不通車滁水不載舟舟車路所窮嗟誰肯來遊念
非吾在此二子來何求不見忽三年見之忘百憂問其

別後學初若繭緒抽縱橫漸組織文章爛然浮引伸無

窮極卒斂以軻丘少進日如此老退誠可羞弊邑亦何

有青山遶城樓冷冷谷中泉吐溜彼

一作被

山幽石醜駭

溪恠天竒瞰龍湫子初如可樂久乃歎以愀云此譬圖

畫暫看已宜收荒涼

一作村

草樹間暮館南城陬破屋仰

見星窓風冷如鏤歸心中夜起輾轉臥不周我為辨酒

肴羅列蛤與蚌酒酣微探之仰笑不頷頭曰予非此儂

又不負譴尤自非世不容安事此為因幸以主人故崎

嶮幾摧輪一來勤已多而況欲久留我語頓遭屈顏慚
汗交流川塗冰已壯霰一作霜雪行將稠羨子兄弟秀雙
鴻翔高秋噤噤飛且鳴歲暮憶南州飲子今日歡重我
明日愁來貶辱已厚贈言媿非酬

瑯琊山六題

一本作山中六題
注云瑯琊山中

歸雲洞

洞門常自一作似

起烟霞洞穴傍穿透溪谷朝看石上片

雲陰夜半山前春雨足

瑯琊谿

空山雪消溪水漲遊客渡溪橫古槎不知溪源來遠近
但見流出山中花

石屏路

石屏自倚浮雲外石路久無人跡行我來携酒醉其下
臥看千峰秋月明

班春亭

信馬尋春踏雪泥醉中山水弄清輝野僧不用相迎送

乘興閑來興盡歸

庶子泉

庶子遺蹤留此地
寒嵒徙倚弄飛泉
古人不見心可見
一片清光長皎然

惠覺方丈

青松行盡到山一作松門
亂峯深處開方丈
已能宴坐老

山中何用聲名傳海上

文忠集卷三



總校官庶士臣張能照

校對官修撰臣吳錫齡

謄錄監生臣高毓英

欽定四庫全書薈要

集部

文忠集卷六

四王

詳校官助教巨常循



文忠集卷四

宋 歐陽修 撰

居士集第四

古詩二十四首

贈無為軍李道士二首

名景山

無為道士三尺琴中有萬古無窮音音如石上瀉流水
瀉之不竭由源深彈雖在指聲在意聽不以耳而以心
心意既得形骸忘不覺天地白日愁雲陰

李師琴紋

一作形

如臥蛇一彈使我三容嗟五音商羽主

肅殺颯颯坐上風吹沙忽然黃鍾回暖律當冬草木皆

萌芽郡齋日午公事退荒涼樹石相交加李師一彈鳳

凰聲空山百鳥停嘔啞我怪李師年七十面目明秀光

如霞問胡以然

一作試問胡以一作試問胡然

笑語我慎勿辛苦求丹

砂惟當養其根自然熒其華

一本無上二句

又云理身如理琴

正聲不可干以邪我聽其言未云足野鶴何事還思家

抱琴揖我出門去獵獵歸袖風中斜

拜赦

一作勅

拜赦

一作勅

古州南山火明烈烈州人共喧喧兩州扶白

髮丁寧天語深曠蕩皇恩濶乃知天地施幽遠無間別
欣欣草木意喜氣消殘雪

彈琴效賈島體

古人不可見古人琴可彈彈為

一作琴聞

古曲聲如與

一作聞

古人言琴聲雖可聽琴意誰能論橫琴置牀頭當年曝
背眠夢見一丈夫嚴嚴古衣冠登牀取之坐

一作我琴

調作

南風絃一奏風雨

一作南

來再鼓變雲烟鳥獸盡嚶鳴草

木亦滋蕃乃知太古時未遠可追還方彼夢中樂心知

口難

一作難口

傳既覺失其人起坐涕洟瀾

酬學詩僧惟晤

詩三百五篇作者非一人羈臣與弃

一作賤

妾桑濮乃淫

奔其言苟

一作或

可取疵雜不全純子

一作雖

為佛徒未

易廢其言其言在合理但懼學不臻子佛

一作之

與吾儒

異轍難同輪

一作共論

子何獨吾慕自忘夷其身苟能知所

歸固有路自新誘進或可至拒之誠不仁維詩於文章

太山一浮塵又如古衣裳組織

一作編

爛成文拾其裁剪

餘未識衮服尊嗟子學雖

一作已

勞徒自苦骸筋

一作自遠涉江

津

勤勤袖卷軸一歲三及門惟

一作何

求一言榮歸以耀

一作輝

其倫與夫榮其膚不若啓

一作若習豈

其源韓子亦嘗

謂收斂加

一作以

冠巾

別後奉寄聖俞二十五兄

一本作敘別寄聖俞兼酬進道堂夜話見寄之

作

長河秋雨多夜插寒潮

一作湖

入歲暮孤舟遲客心飛鳥

急君老忘卑窮文字或綴緝余生苦難阮

一作拙

世險蹈

已習離合二十年垂暎多聚集常時飲酒別今別輒飲

泣君曰吾老矣不覺兩袖濕我年雖少君白髮已揖揖

即入反憶初京北門送我馬暫立自茲遭檻穽一落誰引

汲顛危偶脫死藏竄甘自縶

一作縶

但令身尚在果得手

重執聞來喜迎前貌改驚作揖別離纔幾時舊學廢百

十殘章

一作編

與斷藁草草各收拾空窓

一作堂

語青燈夜

雨聽霰霰

一作
濕濕

明朝解舟南歸翼縱莫戢還期明月飲

幸此中秋及酒酣弄篇章四坐困供給歡言正喧譁別

意忽於邑日暮北亭上濁醪聊

一作
猶

共挹輕

一作
歸

撓動

翩翩晚水明熠熠行心

一作
貪前

去雖迫訣語出猶澁歸來

錄君詩卷軸多職職誰

一作
雖

云已老矣意氣何業爰惜

哉方壯時千里足常帶知之莫予深力不足呼吸歎吁

偶成篇聊用綴君什

紫石屏歌

一本作月石硯
屏歌寄蘇子美

月從海底來行上天東南正當天中時下照千丈潭潭
心無風月不動倒影射入紫石巖月光水潔石瑩淨

一作

微感此陰魄來中潛自從月入此石中天有兩曜分為

三清光萬古不磨滅天地至寶難藏緘天公呼雷公夜
持巨斧墮巖隙此一片落千仞皎然寒鏡在玉匣蝦

蟇白兔走天上空留桂影猶杉杉

一作
送送

景山得之

一作
號州

刺惜不得贈我意與

一作
比

千金兼自云每到月滿時石

在暗室光出簷大哉天地間萬怪難悉談嗟予不度量

每事思窮探欲將兩耳目所及而與造化爭毫纖煌煌
三辰行日月尤尊嚴若令下與物為比去聲擾擾萬類將
誰瞻不然此石竟何物有口欲說嗟如鉗吾奇一作知蘇
子胸羅列萬象中包含不惟胸寬膽亦大屢出言語驚
愚凡自吾得此石未見蘇子心懷慚不經老匠先指決
有手誰敢施鐫鑿呼工畫石持寄似一作此幸子留意其
無謙

聚星堂前紫薇花

亭亭紫薇花向我如有意高烟晚溟濛清露晨點綴豈
無陽春月所得時節異靜女不爭寵幽姿如自喜音將
期誰顧眄獨伴我憔悴而我不強飲繁英行亦墜相看
兩寂寞孤詠聊自慰

獲麟贈姚闕先輩

世已無孔子獲麟意誰知我嘗為之說聞者未免非而
子獨曰然有如墮應筮惟麟不為瑞其意乃可推春秋
二百年文辭一作約義甚夷一從聖人沒學者自為師崢

嶠衆家說平地生嶮巖相公益迂怪各闢出新奇爾來

千餘歲

一作千載餘
一作千歲餘

舉世不知迷焯哉聖人經照耀萬

世疑自從蒙衆說日月遭蔽虧常患無氣力掃除浮雲

披還其自然光萬物皆見之子昔已好古此經手常持

超然出衆見不為俗牽卑近又脫賦

一作賤

格飛黃擺銜

羈聖門開人道夷路施騰嬉便可勦衆說旁通

一作異端

塞

多歧正途紹

一作常

簡易慎勿事嶮崎著述須待老積勤

宜少時苟思垂後世大禹尚胼胝顧我今老矣兩瞳

一作

目一
作眼蝕昏眵大書難久視心在力已衰因思少自弃今

縱悔何追戒我以勉子臨文但吁嘻

喜雨

大雨雖霂霈隔轍分晴陰小雨散浸淫為潤廣且深浸

淫苟不止利澤何窮已無言雨大小

一作言雨
大小異

小雨農

尤喜宿麥已登實新禾未抽秧

一作穗

及時一日雨終歲

飽豐穰夜響流霖霖晨暉霽蒼涼川原淨如洗草木自

生光童稚喜瓜芋耕夫望陂塘誰云田家苦此樂殊未

央

飛蓋橋翫月

一本題上有
六月十四夜

天形積輕清水德本虛靜雲收風波止始見天水性澄
光與粹容上下相涵映乃於其兩間皎皎掛寒鏡餘暉
所照耀萬物皆鮮瑩矧夫人之靈豈不醒視聽而我於
此時脩一作修然發孤詠紛昏忻洗滌俯仰恣涵泳一本
無上
二人心曠而閑月色高愈一作適迥惟恐清夜闌時時瞻
斗柄

竹間亭

啾啾竹間鳥，日夕相嚶鳴。悠悠水中魚，出入藻與萍。水竹魚鳥家，伊誰作斯亭？翁來無車馬，非與彈弋并。潛者入深淵，飛者散縱橫。奈何翁屢來，浪使飛走驚。忘爾榮與利，脫爾冠與纓。還來尋魚鳥，傍此水竹行。鳥語弄蒼翠，魚遊翫清澄。而翁乃何為，獨醉還自醒。三者各自適，要歸亦同情。翁乎知此樂，無厭日來登。

荅呂公著見贈

一本作奉荅通判太傅為予不飲見贈之作

晉人歌蟋蟀孔子錄於詩因知聖賢心豈不惜良時行
樂不及早朱顏忽焉衰馳光如騷裊一去不可追今也

不强飲後雖悔奚為三年謫永陽陷穽不知危種樹滿

幽谷疏泉瀉清池新陽染山木撩亂發枯枝無人歌青

春自醕白玉卮今者荷寬宥

一作思

乞

一作得

州從爾宜西

湖舊已聞既見又過之菡萏間紅綠鴛鴦浮渺瀰四時

花與竹樽俎

一作酒

動可隨況與賢者同薰然襲

一作偉

蘭

芝醪醅寒且醕清唱婉而遲

一作奇

四坐各已醉臨觴獨

何疑昔人逢麴車流涎尚垂頤況此盃中趣久得樂無

涯多憂哀病早心在良可噫

一作嘻

譬若臥櫪馬聞轡

一作

鼓尚鳴悲春膏已動脈

一作忽已動

百卉漸歲蕤丹砂得新

方舊疾庶可治尚可執鞭弭周旋以忘疲

送榮陽魏主簿

廣一本作送魏廣

卓犖東

一作魏

都子姓名聞十年窮冬雪塞空千里至我

門子足未及閤我衣驚倒顛僕童

一作童僕

相視疑察吏或

不然俯首鵠鶴啄進趨鳬鴈聯青衫靴雨

一作雨靴

脚言色

倩一作情

以溫於公門豈少乃獨得公懽受知固不易知

士誠尤難我思屈童吏欲辯難以言觴豆及佳節高堂

列羣賢文章看落筆論議馳後先破石出至寶決高瀉

長川光暉相磨晦浩渺肆波瀾寮吏媿我嘆僕童

一作童僕

恪生顏我顧寮吏嘻士宣以此觀此聊為戲耳以驚僕

童

一作童僕

昏士欲見其守視其居賤貧欲知其所趨試以

義利干我始識其面已窺其肺肝禮有來必往木瓜報

琅玕十年思見之一日捨我還何用慰離居贈予以短

篇

青松贈林子

國華 一本作
贈林國華秘校

青松生而直繩墨易為功

一作攻

良玉有天質少加

一作假

磨與礪子誠懷美材

一作君實
有美才

但未遭良工養育既堅

好英華充厥中於誰以成之孟韓荀暨雄

人日聚星堂燕集探韻得豐字

汙池以其下衆流之所鍾尺水無長瀾蛟龍豈其容顧
予誠鄙薄羣俊枉高蹤得一不為少雖多肯辭豐譬如

登圓壇羅列壁與琮文若饗鈞天左右間笙鏞文章爛
照耀應和相撞春而予處其間眩晃不知從退之亦嘗
云青蒿倚長松新陽發羣枯生意漸丰茸暮雪浩
方積綠酷寒更濃母言輕此樂此樂難屢逢

皓一作

橄欖

五行居四時維火盛南訛炎焦陵木氣橄欖得之多酸
苦不相入初爭久方和霜苞入中州萬里來江波幸登
君子席得與衆果羅中州衆果佳珠圓玉光瑳媿茲微

陋質以遠不見訶
錫飴兒女甜遺味
久則那良藥不甘
口厭功見沈痾
忠言初厭之事至
悔若何世已無採
詩成為君哦

鸚鵡螺

大哉滄海何茫茫
天地百寶皆中藏
牙鬚一作鬚甲角爭

光銚腥風怪雨灑
幽荒珊瑚玲瓏巧
綴裝珠宮貝闌

煌煌泥居殼屋細
莫詳紅螺行沙夜
生光一本作珠宮

貝闌煌煌

泥居殼室細莫詳
珊瑚玲瓏巧綴粧
負材自累遭剗腸

腥風怪雨灑幽荒紅螺行沙夜生光

匹夫懷璧古所傷濃沙剝蝕隱文章

一本注胡人謂硃沙為濃沙出本草

磨以玉粉緣

一作鉛

金黃清罇旨酒列華堂隴鳥回頭思

故鄉美人清歌蛾眉揚一醕凜冽回

一作為

春陽物雖微

遠用則彰一螺千金價誰量豈若泥下追含漿

食糟民

田家種糯官釀酒權利秋毫升與斗酒沽得錢糟弃

一作

不物大屋經年堆欲朽酒醅澆漓如沸湯東風來吹酒

瓮香累累罌與瓶惟恐不得嘗官沽味釀村酒薄日飲

官酒誠可樂不見田中種糯人釜無糜粥度冬春還來
就官買糟食官吏散糟以為德嗟彼官吏者其職稱長
民衣食不蠶耕所學義與仁仁當養人義適一作識宜言
可聞達力可施上不能寬國之利下不能飽爾一作民之
飢我飲酒爾食糟爾雖不我責我責何由逃

送焦千之秀才

焦生獨立士勢利不可恐誰言一身窮自待九鼎重有
能揭之行可謂仁者勇呂侯一作倅相家子德義勝華寵

焦生得其隨道合若膠鞏始生及吾門徐子喜驚踊曰
此難致寶一失何由踵自吾得二生

一作子

粲粲獲雙珙

奈何奪其一使我意紛龍吾嘗愛生材抽擢方鬱翁

音委

勇反一作翁

猶須老霜雪然後見森聳況從主人賢高行可

傾竦讀書趨簡要言說去雜冗新文時我寄庶可蠲煩
壅

伏日贈徐焦二生

一本作徐焦二子伏日遊西湖余以病不能往因以贈之

徐生純明白玉璞焦子皎潔寒泉冰清光瑩爾互輝映

當暑自可消炎蒸平湖綠波漲渺渺高樹

一作樹

古木陰

層層嗟哉我豈不樂此心雖欲往身未能俸優食飽力

不用官閒日永

一作心樂

睡莫興不思高飛慕鴻鵠反此愁

臥償蚊蠅三年永陽子所見山林自放樂可勝清泉白

石對斟酌巖花野鳥

一作草

為交朋崎嶇澗谷窮上下追

逐猿狖爭超騰

一作性

酒美賓佳足自負飲酣氣橫猶驕

矜奈何垂離纔幾日蒼顏非舊白髮增彊歡徒勞歌且

舞勉飲寧及合與升行揩眼眇

一作眇

旋看物坐見樓閣

先愁登頭輕目明脚力健羨子志氣將飄凌只今心意
已如此終竟事業知一作將何稱少壯及時宜努力老大
無堪還可憎

寄生槐

一本題上有答
張推官庭槐

檜惟凌雲材槐實凡木賤奈何柔脆質累此孤高榦龍
鱗老蒼蒼鼠耳光粲粲因緣初莫原感咤徒自歎偷生
由附託得勢爭葱蒨方其榮盛時曾莫見真贗欲知窮
悴節宜試以霜霰萌芽起微蘖辨別垂先見剪除初非

難長養遂成患雖然根性殊常恐枝葉亂惟應植者深
幸不習而變含容固有害勦絕須明斷惟當審斤斧去
惡無傷善

韓公

一本公作定州

閱古堂

兵間四十年士不識金革水旱數千里民流誰壅閼公
初來視之嘻此乃予責將法多益辦萬千由十百整齊
一作容談笑間進退有寸尺曰此易為耳在吾繩與墨天
成而地出古所重民食貯儲非一朝人命在旦夕惟茲

將奈何敢不竭吾力木牛尚可運玉磬

一作磬

猶走糴因

難乃見才不止將有得公言初未信終歲考成績驕墮

識恩威謳吟起羸瘠貌貅著行伍倉廩飽堆積文章娛

閒暇

一作弄閒散

傳記尋

一作觀

往昔英英文與武粲粲圖四

壁酒令列諸將談鋒推辯客周旋顧視間是不為無益

循吏一州守將軍萬夫敵於公豈止然事業本夔稷富

壽及黎庶威名懾夷狄當歸廟堂上有位久

一作況

虛席

大匠不揮斧衆工隨指畫從容任羣材文武各以職

永州萬石亭

寄知永州王顧一本上有寄題注云柳子厚亭

天於生子厚稟子獨艱哉超凌驟拔擢過盛輒傷摧苦其危慮一作厲心常使鳴聲哀投以空曠地縱橫放天才

山窮與水險下上極沿洄故其於文章出語多崔嵬人迹所罕到遺蹤久荒頽王君好奇士後二百年來翦薙發幽薈搜尋得瓊瑰感物不自貴因人乃為材惟知古可慕豈免今所咤我亦奇子厚開編每徘徊作詩示同好為我銘山隈

文忠集卷四

文忠集卷五

宋 歐陽修 撰

居士集第五

古詩一十八首

荅原父

一作荅
劉廷評

炎歊鬱然蒸午景熾方燄子來清風興蕭蕭吹几簟又
如沃瓊漿遽飲不知厭嗟子學苦晚白首困鉛槧危疑
奚一作何所質孔孟久已寔羣儒室自私惟子通且瞻幸

時丐贏餘屢得飽飢歎嚴嚴

一作落

春秋經大法誰敢覘

一本有譬猶天之蒼乃欲學而染兩句

三才失網紀

一作紀網

五代極昏墊盜

竊恣肱

一作發

篋英雄爭奮劍興亡兩倉卒事迹多遺欠

一作敗

纔能紀成敗豈暇誅姦僭聞見患孤寡

一作陋

是非

誰證驗嘗欣同好惡遂乞指瑕玷反蒙華袞褒如譽嫫

母豔救非當在早已暴

一作暴惡

何由斂苟能哀癆瘵其可

惜針砭風舫或許邀湖綠方灩灩

蟲鳴

葉落秋水冷衆鳥聲已停陰氣入墻壁百蟲皆夜鳴蟲
鳴催歲寒唧唧機杼聲時節忽已換壯心空自驚平明
起照鏡但畏白髮生

奉荅子華學士

一作荅
韓絳

安撫江南見寄之作

一本
無下

四
字

百姓病已久一言難遽陳良醫將治之必究病所因天
下久無事人情貴因循優游以為高一作政寬縱以為仁
今日廢其小皆謂不足論明日壞其大又云力難振旁

窺各陰拱當職自逡巡歲月漫隳頹紀綱遂紛紜坦坦
萬里疆蚩蚩九州民昔而安且富今也迫以貧疾小不
加理浸淫將徧身湯劑乃常藥未能去深根鍼艾有奇
功暫痛勿吟呻痛定支體胖乃知鍼艾神猛寬相濟理
古語六經存蠹弊革僥倖濫官絕貪昏牧羊而去狼未
為不仁人俊乂沈下位惡去善乃伸賢愚各得職不治
未之聞此說乃其要易知行每艱遲疑與果決利害反
掌間捨此欲有為吾知力徒煩家至與戶到飽飢而衣

寒三王所不能豈特今所

一作獨今為

難我昔忝諫列日常

趨紫宸聖君堯舜心閔閔極憂勤子華當來時玉音耳

嘗親上副明主意下寬斯人屯江南彼一方巨細到可

詢

一作論

諭以上恩德當冬反陽春吾言乃其槩豈

一作非

止一方云

送張洞推官赴永興經略司

一本云送張推官掌機宜

自古天下事及時難必成為謀於未然聰者或莫聽患
至而後圖智者有不能未遠前日悔可為來者銘熙熙

彼西人老死織與耕狂狴

一作底

一朝叛烽火四面驚用

兵五六年首惡竟逃刑仰賴天子聖乾坤量包并苗頑
不率德舜羽舞于庭謂此雖異類有生亦含情籬籬被
觸突譬若狶與羈馴擾以芻豢可呼隨指令稱藩效臣
職冠帶復人形四海得休息瘡痍肉新生敢問前孰失
恃安而弛兵酒肴為善將循默乃名卿慮患謂生事高
談笑難行一方兵遽起愚智共營營上煩天子仁盱食
憂吾氓謀議及臺阜幽棲訪巖扃小利不足為涓流助

滄溟大功難速就倉卒始改更徒自益紛擾何由集功
名乃知深遠畫設在安平今也實其時鑑前豈非明
嚴嚴經略府鐫組集豪英千營飽而嬉萬馬牧在垆相
公黃閣老與國為長城張子美而秀文章博羣經從軍
古云樂知己士所榮感激報恩義當來請長纓

寄聖俞

一作因馬察院至云見聖
俞於城東輒書長韻奉寄

凌晨有客至自西為問詩老來何稽京師車馬曜朝日
何用擾擾隨輪蹄面顏憔悴暗塵土文字光彩垂虹霓

空腸時如秋蚓叫苦調或作寒蟬嘶語言雖巧身事拙

捷徑耻蹈行非迷我今俸祿飽餘賸念子朝夕勤鹽齏

舟行每欲載米送汴水六月乾無泥乃知此事尚難必

何況仕路如天

一作丹

梯朝廷樂善得賢衆臺閣俊彥聯

簪犀朝陽鳴鳳為時出一枝豈惜容其棲古來磊落材

與知窮達有命理莫齊悠悠百年一瞬息俯仰天地身

醢雞其間得失何足校况與鳬鷺爭稗穉憶在洛陽年

各

一作各年

少對花把酒傾玻瓈二十年間幾人在在者憂

患多垂暎我今三載病不飲眼眵不辨駟與驪壯心銷
盡憶閒處生計易足纔蔬畦優游琴酒逐漁釣上下林
壑相攀躋及身彊一作壯健始為樂莫待衰病須扶携行
當買田清潁上與子相伴把鋤犁

有馬示徐無黨

吾有千里馬毛骨何蕭森疾馳如奔風白日無留陰徐
驅當大道步驟中五音馬雖有四足遲速在吾心六轡
應吾手調和如瑟琴東西與南北高下山與林惟意所

欲適九州可周尋至哉人與馬兩樂不相侵伯樂識其
外徒知價千金王良得其性此術固已深良馬須善馭
吾言可為箴

天辰

天形如車輪晝夜常不息三辰隨出沒曾不差分刻一

一本

有其行一何勤乾
健貴於易兩句

北辰居其所帝座嚴尊極衆星拱而

環大小

一作
大小

各有職不動以臨之任德不任力天辰主

下土萬物由生殖一動與一靜同功而異域惟王知法

此所以治萬國

再和聖俞見荅

兩畿相望東與西書來三日猶為稽短篇投子譬瓦礫
敢辱報之金裹蹄文章至寶被埋沒氣象往往干雲霓
飛黃伯樂不世一作並出四顧驤首空長嘶嗟哉我豈敢

一作能知子論詩

一作經

賴子初指迷子言古淡有真味大

羹豈須調以藟憐我區區欲彊學跋鼈曾不離汙泥問
子初何得臻此豈能直到無階梯如其所得自勤苦何

憚入海求靈犀周旋二紀陪唱和凡翼每並鸞皇棲有

時爭勝不量力何異弱魯攻彊齊念子京師苦憔悴經

年陋巷聽朝

音潮一作晨

雞兒啼妻噤

一作嘻

午未飯得米寧

擇糝與稊石上紫豪

一作毫

家故有剡藤瑩滑如玻璃追

惟平昔念少壯零落生死嗟分睽一揮累紙恣奔放駿

一作有

若駕駱仍駢驪腹雖枵虛氣豪橫猶勝諂笑病夏

畦名聲不朽豈易得仕宦得路終當躋年來無物不可

愛花發有酒誰同携問我居留亦何事方春苦旱憂民

犁

感春雜言

一本題下有
和呂公著

鳩鳴兮屋上雀噪兮簷間百鳥感春陽有如動機關雄
鷄相呼和田夕聒聒不得閒砌下兩株樹枯條有誰攀
春風一夜來花葉何班班乃知天巧奪人力能使枯木
生紅顏奈何人為萬物靈不及草木與飛翾自從春來
何所覺但恠睡美不覺白日高南山行逢百花不著眼
豈念四氣如同環却思年少憶一作念前事雖有駟駿難

追還奈何來日尚可樂曾不勉強相牽扳
綠酒如春波黃金為誰慳人生一世中一步一作笑百險艱俟河之清不可得聊自歌此譏愚頑

廬山高贈同年劉中允歸南康

廬山高哉幾千仞兮根盤幾百里巍然屹立乎長江長江西來走其下是為揚瀾左里一作蠡兮洪濤巨浪日夕

相舂撞雲消風止水鏡淨泊舟登岸而遠望兮上摩青

蒼一作雲霄以晦靄下壓后土之鴻龐試往造乎其間兮攀

緣石磴窺空腔千巖萬壑響松檜懸崖巨石飛流淙水
聲聒聒亂人耳六月飛雪灑石缸仙翁釋子亦往往而
逢兮吾嘗惡其學幻而言詭但見丹霞翠壁遠近映樓
閣晨鍾暮鼓杳靄羅幡幢幽花野草不知其名兮風吹
露濕香澗谷時有白鶴飛來雙幽尋遠去不可極便欲
絕世遺紛瘡羨君買田築室老其下插秧盈疇兮釀酒
盈缸欲令浮嵐暖翠千萬狀坐臥常對乎軒窓君懷磊
砢有至寶世俗不辨珉與玕策名為吏二十載青衫白

首困一邦寵榮聲利不可以苟屈兮自非青雲白石有
深趣其氣兀硯何由降丈夫壯節似君少嗟我欲說安
得巨筆如長杠

送徐生

一作徐無黨

之澠池

河南地望雄西京相公好賢天下稱吹噓死灰生氣燄
談笑暖律回嚴凝曾陪樽俎被顧盼羅列臺閣皆名卿
一作徐徐生南國後來秀得官古縣依峭陵脚靴手板實
才能卑賤賢雋未可吏事繩攜文百篇赴知己西望未到氣

已增我昔初官便伊洛當時意氣尤驕矜主人樂士喜

文學幕府最盛多交朋園林相映花百種都邑四顧山

千層朝行綠槐聽流水夜飲翠幙張紅燈爾來飄流二

十載鬢髮蕭索垂霜冰同時並遊在者幾舊事欲說無

人應一作塵文章無用等畫虎名譽過耳如飛蠅榮華萬

事不入眼憂患百慮來填膺羨子年少一作少年正得路有

如扶桑初日昇名高場屋已得雋世有龍門今復登出

門相送親與友何異籬鷄瞻雲鵬嗟吾筆硯久已格感

激短章

一作章句

因子興

葛氏鼎

一本有歌字

大河昔決東南流蕭條東郡今遺湫我從故老問其由
云古五鼎藏高丘地靈川秀草木稠鬱鬱佳氣蒸常浮
惟物伏見數有周秘藏竒恠神所搜天昏地慘鬼哭幽
至寶欲出風雲愁蕩搖山川失維陬九龍大戰驅蛟虬
割然岸裂轟雲鷁滑人夜驚鳥嘲啁婦走抱兒扶白頭
蒼生仰叫黃屋憂聚徒百萬如虬蟬千金一掃隨浮漚

天旋海沸動九州此鼎始出人間留滑人得之不敢收
奇模古質非今侔器大難用識者不以示世俗遭擲撤
明堂會朝饗諸侯饗官百品供王羞調以五味烹金牛
時有用舍吾無求二三子學雕琳球見之始驚中歎愀
披荒斷古爭窮蒐苦語難出聲咿嘸馬圖出河龜一作龍
負疇自古怪說何悠悠嗟吾老矣不能休勉強作詩慚
効尤

太白戲聖俞

一作讀李白集効其體

開元無事

一作太平

二十年五兵不用太白間太白之精下

人間李白高歌蜀道難蜀道之難難於上青天李白落

筆生雲烟千奇萬險不可攀却視蜀道猶平川宮娃扶

來白已醉醉裏詩成醒不記忽然

一作來

乘興登名山龍

咆虎嘯松風寒山頭婆娑弄明月九域塵土

一作下
看塵世

悲

人寰吹笙飲酒紫陽家紫陽真人駕雲車空山流水空

流花飄然已去凌青霞下看

一作堪笑

區區郊與島螢飛露

濕吟秋草

邊戶

家世為邊戶年年常備胡兒童習鞍馬婦女能彎弧胡
塵朝夕起虜騎蔑如無邂逅輒相射殺傷兩常俱自從
澶州盟南北結歡娛雖云免戰鬥兩地供賦租將吏戒生
事廟堂為遠圖身居界河上不敢界河漁

梅聖俞寄銀杏

一作和聖俞銀杏
見寄代書之什

鷺毛贈千里所重以其人鴨腳雖百箇得之誠可珍問
予得之誰詩老遠且貧霜野摘林實京師寄時新封包

雖甚微採掇皆躬親物賤以人貴人賢棄而淪開緘重
嗟惜詩以報慇懃

與子華原父小飲坐中寄同州江十學士休復

歲晚忽不樂相過偶乘閒百年纔幾時一笑得亦艱有
酒醉嘉客無錢買嬌鬟問予官何為侍從聯朝班朝廷
多賢材何用蒯與管白髮垂兩鬢黃金腰九環奈何章
綬榮飾此木石頑於國略無補有慚常在顏幸蒙二三
友相與文字間江子獨捨我一作是高鴻去難攀秋風動

沙苑郡閣當南山吟詠日多暇詔條寬可頒寒雲雪一作
暮紛糝幽鳥春繇蠻勝事日向好思君何時還

述懷

歲律忽其周陰風慘遼夏孤懷念時節朽質驚哀病憶
始來京師街槐綠方映清霜一以零衆木少堅勁物理
固如此人生寧久盛當時不樹立後世猶譏評顧我實
孤生飢寒談孔孟壯年猶勇為刺口論時政中間蒙選
擢官實居諫諍豈知身愈危惟恐職不稱十年困風波

九死出檻穽再生君父恩知報犬馬性歸來見親識握手相弔慶丹心皎雖存白髮生一作日已迸慙無羽毛彩

來與鸞皇並鍛翮追羣翔孤唳驚衆聽嚴嚴玉堂署清禁肅而靜職業愧論思文章慚誥命厚顏難久居歸計無荒逕偷閒就朋友笑語雜嘲詠歡情雖索寞得酒猶豪橫羣居固可樂寵祿尤難倖何日早收身江湖一漁艇

和劉原父澄心紙

一作奉賦
澄心堂紙

君不見曼卿子美真奇才久已零落埋黃埃子美生窮

死愈貴殘章斷藁如瓊瑰曼卿醉題紅粉壁壁粉已剝
昏烟煤河傾崑崙勢曲折雪壓太華高崔嵬自從二子
相繼沒山川氣象皆低摧君家雖有澄心紙有敢下筆
知誰哉宣州詩翁餓飢一作欲死黃鵠折翼鳴聲哀有時
得飽好言語似聽高唱傾金罍二子雖死此翁在老手
尚能工剪裁奈何不寄反示我如棄正論求俳詼嗟我
今哀不復昔空能把卷闔且開百年干戈流戰血一國
歌舞今荒臺當時百物盡精好往往遺棄淪蒿萊君從

何處得此紙純堅瑩膩卷百枚官曹職事喜一作樂閒暇

臺閣唱和相追陪文章自古世不乏間出安知無後來

文忠集卷五

文忠集卷六

宋 歐陽修 撰

居士集第六

古詩二十五首

奉使契丹道中答劉原父桑乾河見寄之作

憶昨初受命同下紫宸朝
問君當何之笑指北斗杓
共念到幾時春風約回鑣
所持既異事前後忽相遼
歲月坐易一作若失山川行知遙
回頭三千里雙闕在紫霄
我

老倦鞍馬安能事吟嘲君才綽有餘新句益一作亦飄飄

前日逢呂郭解鞍憩山腰童僕相問喜馬鳴亦蕭蕭出
君桑乾詩寄我慰寂寥又喜前見君相期駐征輶雖知
不久留一笑樂亦聊歸路踐冰雪還家脫狐貂君行我
即至春酒待相邀

書素屏

我行三千里何物與我親念此尺素屏曾不離我身曠
野多黃沙當午白日昏風力若牛弩飛砂還射人暮投

山椒館休此車馬勤開屏置牀頭輾轉夜向晨臥聽穹
廬外北風驅雪雲勿愁明日雪且擁孤貂溫君命固有
嚴將旅誠苦辛但苟一夕安其餘非所云

馬齧雪

馬飢齧雪渴飲

一作行路

冰北風卷地來

一作寒

崢嶸馬悲躑

躑人不行日暮途遠千山橫我謂行人止歎聲馬當勉

力無悲鳴白溝南望如掌平十里五里長

一作長亭與

短亭

臘雪銷盡春風輕火燒原頭青草生遠客還家紅袖迎

樂哉人馬歸有程男兒雖有四方志無事何須一作煩勤

遠征

風吹沙

一本題上有北字

北風吹沙千里黃馬行確犖悲摧藏一作窮當一作冬萬物慘

顏一作無色冰雪射日生一作爭光芒一年百日風塵道安

得朱顏長美好攬鞍鞭一作起馬行勿遲酒熟花開二

月時

重贈劉原父

一作憶昨呈劉原父

憶昨君當使北時我往別君飲君家愛君小鬟初買得
如手未觸新開花醉中上馬不知夜但見九陌燈火人

誼譁歸來不記與君別酒醒起坐空谷嗟自言我亦隨

往矣行即逢君何恨邪豈知前後不相及歲一作日月忽

忽行無涯古北嶺口踏新雪馬孟山西看落霞風雲一作

雪暮慘失道路礪谷夜靜聞磨麤行迷方嚮但看日度

盡山險方逾行一作沙客心漸遠誠易感見君雖晚喜莫

加我後君歸祇一作纔一作十日君先躍馬未足誇新年花發

見回鴈歸路柳暗藏嬌鴉而今

一作今來

春物已爛漫念昔

草木冰未芽人生每苦勞事役老去尚能憐物華從今
有暇即相過安得載酒長盈車

贈沈遵

一作贈沈博士歌并序

一本序云余昔於滁州作醉翁亭於琅琊山有記刻石往往傳人間太常博士沈遵好奇之士也聞而往遊焉愛其山水歸而以琴寫之作醉翁吟一調惜不以傳人者五六年矣去年冬予奉使契丹沈君會予思冀之間夜聞酒半出琴而作之予既嘉君之好尚又愛其琴聲乃作歌以贈之

羣動夜息浮雲陰沈夫子彈醉翁吟醉翁吟以我名我

初聞之喜且驚宮聲三疊何泠泠酒行暫止四坐傾

一本

有為君屏百慮各
以兩耳聽兩句

有如風輕日暖好鳥語夜靜山響春

泉鳴坐思千巖萬壑醉眠處寫君三尺膝上橫沈夫子

恨君不為醉翁客不見翁醉

一作
醉翁

山間亭翁歡不待絲

與竹把酒終日聽泉聲有時醉倒枕谿石青山白雲為

枕屏花間百鳥喚不覺日落山風吹自醒

一本有沈夫
子君過滁陽

今幾時滁人皆喜醉翁醉至今人人能道之
長記山間逢太守簾櫳酌酒插花歸六句

我時四十

猶彊力自號醉翁聊戲客爾來憂患十年間

一本客字
下作爾來

纔十年遇酒飲不得
軒裳外飾誠可榮

鬢髮未老嗟先白
滌人思我雖未

忘見我今應不能識
沈夫子愛君一罇復一琴萬事不

可干其心自非曾是醉翁客
莫向俗耳求知音

一本末兩句作

高懷所得貴自適俗耳何用求
知音可笑人生不飲酒惟知白首戀黃金

答聖俞

一本題下有高車見過

人皆喜詩翁有酒誰肯一醉之
嗟我獨無酒數往從

一作

就翁何所為翁居南方我北走
世路離合安可期汴渠

千艘日上下來及水門猶未知
五年不見勞夢寐三日

始往何其遲城東賺河有名字萬家弃水為汙池人居其

上苟賢者我視此水猶連漪入門下馬解衣帶共坐習習

清風吹溼薪熒熒者煮薄茗四顧壁立空無遺萬錢方丈飽

則止一瓢飲水樂可一作何涯况出新詩數十首珠璣大小

光陸離他人欲一不可有一作得君家筐篋滿莫持才大一作

多名高乃富貴豈比金紫包愚癡貴賤同為一丘土聖賢

獨一作長如星日垂道德內樂不假物猶一作所須朋友并良

時蟬聲漸已變秋意得酒安閒醇與醺玉堂官閒無事業

親舊幸可從其私與翁老矣會有幾當弃百事勤追隨

感興五首

齋於醴泉宮作

奉祠嚴祕館攝事罄精誠歲晏悲木落天寒聞鶴鳴念
昔丘壑趣豈知朝市情弱齡嬰仕宦壯節慕功名多病
慙厚祿早衰歎餘生未知犬馬報安得遂歸耕

懷祿不知慙人雖不吾責貧交重意氣握手猶感激煌
煌腰間金兩鬢颯已白有生天地間壽考非金石古人
報一飯君子不苟得憂來自悲歌涕淚下沾臆

清夜雖云長白日亦易晚循環百刻中勢若九走坂盈
虧自相補得失何足算餐霞可延年飲酒誠自損未知
辛苦長孰若適意短二者一何偷百年皆不免顏回不
著述後世存愈遠聖賢非虛名惟善為可勉

仕宦希寸祿庶無飢寒迫讀書事

一作為

文章本以代耕

織學成頗自喜祿厚愈多責挾山以超海事有非其力
君子貴量能無輕食人食

唧唧復唧唧夜歎曉未息蟲聲急愈尖病耳聞若刺壯

士易為老良時難再得日月相隨東天行自西北二者
不相謀萬古無窮極安知人間世歲月忽已易

吳學士石屏歌

一作和張生鷄
樹屏一無和字

晨光入林衆鳥驚
鴈飛鴉亂鳴穿林四散投空去
黃口巢中飢待哺
雌者下啄雄高盤
雄雌相呼飛復還

空林無人鳥聲樂
古木參天枝屈蟠
下有恠石橫樹

一作

其間烟埋草沒苔
蘚斑借問此景誰圖寫
乃是吳家石

屏者號工剡山取山骨
朝鑱暮斲非一日
萬象皆從石

中出吾嗟人愚不見天地造化

一作造物

之初難乃云萬物

生自然豈知鑄鏡刻畫醜與妍千狀萬態不可殫神愁

鬼泣晝

一作日

夜不得閒不然安得巧工妙手億精竭思

不可到若無若有縹緲生雲烟鬼神功成天地惜藏在

號山深處石惟人有心無不獲

一作乃知人為天地賊

天地雖神

一作有物

公

藏不得又疑鬼神好勝憎吾儕欲極奇怪窮吾

才乃

一作故

傳張生自西來吳家學士見且哈醉點紫毫

淋墨煤君才自與鬼神鬪嗟我老矣安能陪

初食車螯

一本題上
云京師

累累盤中蛤來自海之涯坐客初未識食之先歎嗟五

代昔垂隔九州如剖瓜東南限淮海邈不通夷華於

一作

于時北州人飲食陋莫加雞豚為異味貴賤無等差自

從聖人出天下為一家南產錯交廣西珍富邛巴水載

每連舳陸輸動盈車谿潛細毛髮海怪雄鬚牙豈惟貴

公侯閭巷飽魚蝦此蛤今始至其來何晚邪螯蛾聞二

名

車螯一
名車蛾

久見南人誇璀璨殼如玉斑斕點生花含漿

不肯吐得火遽已呀共食惟恐後爭先屢成譁但喜美
無厭豈思來甚遐多慙海上翁辛苦斷泥沙

送裴如晦之吳江

一本無下三字注
云席上分得己字

鷄鳴車馬馳夜半聲未已皇皇走聲利與日爭寸晷而
我獨何為閒宴奉君子京師十二門四方來萬里顧吾
坐中人暫聚浮雲爾念子一扁舟片帆如鳥起文章富
千箱吏祿求斗米白玉有時沽青衫豈須耻人生足憂
患合散乃常理惟應當歡時飲酒如飲水

盤車圖

一本上題和聖俞
下注呈楊直講

淺山嶙嶙亂石轟轟山石硤聲車碌碌山勢盤斜隨澗
谷側轍傾轅如欲覆出乎兩崖之隘口忽見百里之平
陸坡長坂峻牛力疲天寒日暮人心速楊生忍飢官太
學得錢買此纔盈幅愛其樹老石硬山回路轉高下曲
直橫斜隱見妍媸嚮背各有態遠近分毫皆可辨自言
昔一作古有數家筆畫古一作久傳多名姓失後來見者知
謂誰乞詩梅老聊稱述古畫畫意不畫形梅詩詠物無

隱情忘形得意知者寡不若見詩如見畫乃知楊生真好
好奇此畫此詩兼有之樂能自足乃一作即為富豈必金玉
名高賢朝看畫暮讀詩楊生得此可不飢

答梅

一作和無梅字

聖俞莫登樓

在禮部貢院鎖試進士上元夜作

莫登樓樂哉都人方競遊樓闕夜氣春烟浮玉輪東來
從海馭纖靄洗盡當空留燈光月色爛不收火龍噉山
祝千秋緣竿踏索雜幻優鼓喧管咽耳欲咻清風嫋
嫋夜悠悠瑩蹄文一作輪蹄交角車如流姪姪扶欄車兩頭

髣髴垂鬟嬌未羞念昔年少追朋儔輕衫駿馬今則不
中年病多昏兩昨夜視魯不如鴝鵒足雖欲往意已休
惟思睡眠擁衾裯人心利害兩不謀春陽稍愆天子憂
安得四野陰雲油甘澤以時豐麥麴遊騎踏泥非我愁

荅聖俞莫飲酒

此已下皆
貢院中作

子謂莫飲酒我謂莫作詩花開木落蟲鳥悲四時百物
亂我思朝吟搖頭暮蹙眉雕肝琢腎聞退之此翁此語
還自違豈如飲酒無所知自古不飲無不死惟有為善

不可遲

一作遺

功施當世聖賢事不然文章千載垂其餘

酩酊一樽酒萬事崢嶸皆可齊腐腸糟肉兩家說計較
屑屑何其卑死生壽夭無足道百年長短纔幾時但飲
酒莫作詩子其聽我言非癡

思白兔雜言戲荅公儀憶鶴之作

君家白鶴白雪毛我家白兔白玉毫誰將贈兩翁謂此
二物皎潔勝瓊瑤已憐野性易馴擾復愛仙格何孤高
玉兔四蹄不解舞不如雙鶴能清噪低垂兩翅起節拍

一作
拍節

婆娑弄影誇嬌嬈兩翁念此二物者久不見之心

甚勞京師少年殊好尚意氣橫出爭雄豪清罇美酒不
輒飲千金爭買紅顏韶莫令少年聞我語笑我乖僻遭譏
嘲或被偷開兩家籠縱此二物令逍遙兔奔滄海却入
明月窟鶴飛玉山千仞直上青松巢索然兩衰翁何以
慰無慘纖腰綠鬢既非老者事玉山滄海一去何由招

戲答聖俞

鶴行而啄青玉背枯松脚兔蹲而累尖兩耳攢四蹄往

往於人家高堂淨屋

一作室

曾見之錦裝玉軸掛壁垂乍

見拭目猶驚疑羽毛慘裊眼睛活若動不動如風吹主

人矜誇百金買云此絕筆人間奇畫師畫生不畫死所

得百分三二爾豈如翫物翫其真凡物可愛惟精神況

此二物物之珍月光臨靜夜雪色凌清晨二物於此時

瑩無一點纖埃塵不惟可醒醉翁醉能使詩老詩思添

清新醉翁謂詩老子勿謂我愚老弄兔兒憐鶴雛與子

俱老其衰乎奈何反捨我欲向

一作去

東家看舞姝須防

舞姝見客笑白髮蒼顏君自照

和梅龍圖公儀謝鵬

有詩鶴勿喜無詩鵬勿悲人禽固異性所趣各有宜朝
戲青竹林暮棲高樹枝咿呦山鹿鳴格磔野鳥啼聲音
不相通各以類自隨使鶴居籠中垂頭以一作似聽詩鷄

鷄享鍾鼓魚鳥見西施鵬鶴不宜爭所爭良可知蚍蜉
與蟻子為物固已微當彼兩交鬪勇如聞鼓輦有心皆
好勝未免爭是非於我一何薄於彼一何私欄檻啄花

卉叫號驚睡兒跳踉兩脚長落泊雙翅垂何足充翫好
於何定妍娘鵲口不能言夜夢以告之主人起謝鵲從
我今幾時僮奴謹守護出入頗提攜逍遙遂棲息飲啄
安雄雌花底弄日影風前理毛衣豈非主人恩報効爾
宜思主人今白髮把酒無翠眉養鶴鵲又妬我言堪解
頤

和聖俞感李花

昨日摘花初見桃今日摘花還見李晴風暖日苦相催

春物所餘知有幾中年多病壯心衰對酒思歸未得歸
不及牆根花與草春來隨處自芳菲

折刑部海棠戲贈聖俞二首

搖搖牆頭花笑笑弄顏色荒涼衆草間露此紅的皪草
木本無情及時如自得青春不可恃白日忽已昃繞之
重吟哦歸坐成歎息人生浪自苦得酒且開釋不見宛
陵翁作詩頭早白

搖搖牆頭花艷艷爭青城朝見開尚少暮看繁已多不

惜花開繁所惜時節過昨日枝上紅今日隨流波物理
固如此去一作古來知奈何達人但飲酒壯士徒悲歌

刑部看竹效孟郊體

花妍兒女姿零落一何速竹色君子德猗猗寒更綠京
師多名園車馬紛馳逐春風紅紫時見此蒼翠玉凌亂
迸青苔蕭疎拂華屋森森日影閒濯濯生意足幸此接
清賞寧辭薦芳醪黃昏人去一作黃昏寂寂鎖空廊枝

上月明春

一作看

鳥宿

文忠集卷六

欽定四庫全書

總校官庶吉士臣張能照

校對官修撰臣吳錫齡

謄錄監生臣高毓英

欽定四庫全書薈要

集部

文忠集卷

七至
九

詳校官助教臣常循




文忠集卷七

宋 歐陽修 撰

居士集第七

古詩二十二首


贈沈博士歌

遵一作
醉翁吟

沈夫子胡為醉翁吟
醉翁豈能知爾琴
滁山高絕滁水深
空巖悲風夜吹林
山一作泉溜白玉懸青岑
一瀉萬仞源莫尋
醉翁每來喜登臨
醉倒石上遺其簪
雲荒石老

歲月侵子有三尺薇

一作暉

黃金寫我幽思窮崎嶇自言

愛此萬仞水謂是太古之遺音泉淙石亂到不平指下

嗚咽悲人心時時弄餘聲言語軟滑如春禽嗟呼沈夫子爾

琴誠工彈且止我昔被謫居滁山名雖

一作雖名

為翁實少

年坐中醉客誰最賢杜彬琵琶皮作絃自從彬死世莫

傳玉練鎖

東坡詩云新客從胡玉連鎖練疑當作連

聲入黃泉死生聚散日

零落耳冷心衰翁索莫國恩未報慚祿厚世事多虞嗟

力薄顏推鬢改真一翁心以

一作已

憂醉安知樂沈夫子

謂我翁言何苦悲人生百年間飲酒能幾時攬衣推琴
起視夜仰見河漢西南移

和聖俞李侯家鴨脚子

鴨脚生江南名實未相浮絳囊因入貢銀杏貴中州致
遠有餘力好奇自賢侯因令江上根結實夷門秋始摘
纔三四金奩獻凝旒公卿不及識天子百金酬歲久予
漸多纍纍枝上稠主人名好客贈我比珠投博望昔所
從蒲萄安石榴想其初來時厥價與此侔今也徧中國

籬根及牆頭物性久雖在人情逐時流惟當記其始後

世知來由是亦史官法豈徒續君謳

京師無鴨脚樹
馬都尉李和文自

南方移

植其第

送吳生南歸

一作送吳孝
京字子京

自我得曾子於茲二十年今又得吳生既得喜且歎古

士不並出百年猶比肩區區彼江西其產多材賢吳生

初自疑所擬豈其倫我始見曾子文章初亦然崑崙傾

黃河渺漫盈百川決疏以道

一作導

之漸斂收橫瀾東溟

知所歸識路到不難吳生始見我袖藏新文篇

一作編

忽

從布褐中百寶寫

一作瀉

我前明珠雜璣貝磊砢或不圓

問生久懷此奈何初無聞吳生不自隱欲吐羞俛顏少
也不自重不為鄉人憐中雖知自悔學問苦賤貧自謂
久而信力行困彌堅今來決疑惑幸冀蒙洗滌我笑謂
吳生爾其聽我言世所謂君子何異於衆人衆人為不
善積微成滅身君子能自知改過不逡巡惟於斯二者
愚智遂以分顏回不貳過後世稱其仁孔子過而更日

月披浮雲子路初來時雞冠佩玃豚斬蛟射白額後
卒為名臣子既悔其往人誰禦其新醜夫祀上帝孟子
豈不云臨行贈此言庶可以書紳

樂哉襄陽人送劉太尉從廣

一作景元

赴襄陽

一本無下三字

景元
蓋字

嗟爾樂哉襄陽人萬屋連甍清漢濱語言輕清微帶秦
南通交廣西峨岷羅穀織麗藥物珍枇杷柑橘薦清罇
磊落金盤爛璘璘槎頭縮項昔所聞黃橙擣

一作橙
擣新

藟

香復辛春雷動地竹走根錦苞玉筍味爭新鳳林花發
南山春掩映谷口藏山門樓臺金碧瓦鱗鱗峴首高亭
倚浮雲漢水如天瀉沄沄斜陽返照白鳥羣兩岸桑柘
雜耕耘文王遺化已寂寞千載誰復思其仁荊州漢魏
以來重古今相望多名臣嗟爾樂哉襄陽人道扶白髮
抱幼孫遠迎劉侯朱兩一作輪劉侯年少氣甚淳詩書
望朱學問若寒士罇俎談笑多嘉賓往時邢洛一作臺有善政
至今遺愛留其民誰能持我詩以往為我先賀襄陽人

奉酬楊州劉舍人見寄之作

原父一作酬
劉原父見寄

別君今幾時歲月如插羽悠悠寢與食忽忽朝復暮紛
紛竟何為凜凜還自懼朝廷無獻納倉廩徒耗蠹風霜
苦見侵衰病日增故江湖豈不思懇悃布已屢美哉廣
陵公風政傳道路優游侍從臣左右天子顧君來一何
遲我請亦有素何當兩還分尚冀一相遇把手或未能
尺書幸時寓

西齋手植菊花過節始開偶書奉呈聖俞

秋風吹浮雲寒雨灑清曉鮮鮮牆下菊顏色一何好好
色豈能常得時仍不早文章損精神何用覩天巧四時
悲代謝萬物惜凋槁豈知寒檻中兩鬢甚秋草東坡彼
詩翁學問同少年一作小風塵世事多日月良會少我有
一罇酒念君思共倒上浮黃金藥送以清歌裊為君發
朱顏可以却君老

於劉功曹家見楊直講褒女奴彈琵琶戲作呈聖
俞

大絃聲遲小絃促十歲嬌兒彈啄木啄木不啄新生枝

惟啄槎牙

一作牙槎

枯樹腹花繁蔽日鎖空園樹老參天杳

深谷不見啄木鳥但聞啄木聲春風和暖百鳥語山路

磽确行人行啄木飛從何處來花間葉底時丁丁林空

山靜啄愈響行人舉頭飛鳥驚嬌兒身小指撥硬功曹

廳冷絃索鳴繁聲急節傾四座為爾飲盡黃金觥楊君

好雅心不俗太學官卑飯脫粟嬌兒兩幅青布裙三脚

木牀坐調曲奇書古畫不論價盛以錦囊裝玉軸披圖

掩卷有時倦臥聽琵琶仰看屋客來呼兒旋梳洗滿額
花鈿貼黃菊雖然可愛眉目秀無奈長饑頭頭縮宛陵
詩翁勿謂渠人生自足乃為娛此兒此曲翁家無

長句送陸子履學士通判宿州

一本作
亳州非

古人相馬不相皮瘦馬雖瘦骨法奇世無伯樂良可嗤

千金市馬惟市

一作其

肥騏驥伏櫪兩耳垂夜聞秋風仰

秣嘶一朝絡以黃金羈旦刷

一作發

吳越暮燕陸丈夫可

憐憔悴時世俗庸庸皆見遺子履自少聲名馳落筆文

章天下知開懷吐胸不自疑世路迫窄多弄機鬢毛零
落風霜摧十年江湖千首詩歸來京國舊遊非大笑相
逢索酒卮酒酣猶能弄蛾眉山川搖落百草腓愛君不
改青松枝念君明當整驂駢贈以瑤華期早歸豈惟朋
友相追隨坐使臺閣生光輝

送公期得假歸絳

風吹積雪銷太行水暖河橋楊柳芳少年初仕即京國
故里幾歸成鬢霜山行馬瘦春泥滑野飯天寒錫粥香

留連芳

一作風

物佳節過東帶還來朝未央

送宋次道學士赴

一作知

太平州

敏求

古堤老柳藏

一作楊柳排

春烟桃花水下清明前江南太守

見之笑擊鼓插旗催解船

一作打鼓插旗催發船

侍中令德宜有

後學士清才方少年文章秀粹得家法筆畫點綴多餘

一作通

妍藏書萬卷復強記故事累朝能口傳來居侍從

乃其職遠置州郡誰謂

本多作為

然交游一時盡英

一作豪

俊

車馬兩岸來聯翩船頭朝轉暮千里有酒胡不為

一作為不

留連

謝觀文王尚書惠西京牡丹

舉正

京師輕薄兒意氣多豪俠爭誇朱顏事年少肯慰白髮
將花插尚書好事與俗殊憐我霜毛苦蕭颯贈以一作寄贈

洛陽花滿盤闌麗爭奇紅紫雜兩京相去五百里幾日

馳來足何捷紫檀金粉香未吐綠萼紅苞露猶浥謂我

嘗為洛陽客頗向此花曾涉獵憶昔進士初登科始事

相公沿吏牒河南官屬盡賢俊洛城池一作苑

藥相連接

我時年纔二十餘每到花開如蛺蝶姚黃魏紫腰帶鞢
潑墨齊頭藏綠葉鶴翎添色又其次此外雖妍猶婢妾
爾來不覺三十年歲月纔如熟羊胛無情草木不改色
多難人生自摧拉見花了了雖舊識感物依依幾投睫
念昔逢花必沽酒起坐驩呼屢傾榼而今得酒復何為
愛花繞之空百匝心衰力懶難勉強與昔一何殊勇怯
感公意厚不知報墨筆淋漓口徒囁

送朱職方提舉運鹽

一本云
表臣

齊人謹

一作建

鹽筴伯者之事爾計口收其餘登耗以生

齒民充國亦富彙若有條理惟

一作雖

非三王法儒者猶

為耻後世益不然權奪由漢始權量自持操屑屑已甚

矣穴竈如蜂房熬波銷海水豈知戴白民食淡有至死

物艱利愈厚今出姦隨起良民陷盜賊峻法難禁止問

官得幾何月課煩笞箠公私兩皆然巧拙可知已英英

職方郎文行粹而美連年宿與泗有政皆可紀忽來從

辟書感激赴知己閔然哀遠人吐策獻天子治國如治

身四民猶四體奈何室其一無異鉅厥趾工作而商行

一作與商賈

本末相表裏臣請通其流為國埽泥滓金錢歸

府藏滋味飽閭里利害難先言歲月可較比鹽官皆謂

然丞相曰可喜適時乃為才高論徒譎詭夷吾苟今

一作

復

出未以彼易此隋堤樹參參汴水流瀾瀾子行其勉

旃吾黨方傾耳

嘗新茶呈聖俞

建安三千里京師三月嘗新茶人情好先務取勝百物

貴早相矜誇年窮臘盡春欲動蟄雷未起驅龍

一作龍未起驅

蟲

蛭夜聞擊鼓滿山谷千人助叫聲喊呀萬木寒癡睡

不醒惟有此樹先萌芽乃知此為最靈物宜

一作疑

其獨

得天地之英華終朝採摘不盈掬通犀鈐小圓復窅鄙

哉穀雨槍與旗多不足貴如刈麻建安太守急寄我香

弱包裹封題斜泉甘器潔天色好坐中揀擇客亦嘉

一作佳

新香嫩色如始造不似來遠從天涯停匙側盞試水

路拭目向空看乳花可憐俗夫把金錠

一作挺一作錠茶錄多用挺字

為古按集韻鉸字去聲訓
鎚字上聲訓鋼鐵

猛火炙背如蝦蟇由來真物

有真賞坐逢詩老頻咨嗟須臾共起索酒飲何異秦雅
終淫哇

次韻再作

一本云
茶歌

吾年向老世味薄所好未衰惟飲茶建谿苦遠雖不到

自少嘗見閩人誇每啜江浙凡茗草叢生狼藉惟藏蛇

俗今江浙茶園
言多地

豈如含膏入香作金餅蜿蜒兩龍戲以呀

其餘品第亦奇絕愈小愈精皆露芽泛之白花如粉乳

乍見紫面生光華手持心愛不欲碾有類弄印幾成窠

論功可以療百疾輕身久服勝

一作如

胡麻我謂斯言頗

過矣其實最能祛睡邪茶官貢餘偶分寄地遠物新來

意嘉親烹屢酌不知厭自謂此樂真

一作誠

無涯未言久

食成手顫已覺疾飢病

一作

生眼花客遭水厄疲捧碗口

吻無異蝕月蟄僮奴傍視疑復笑嗜好乖僻誠堪嗟更

蒙酬句怪可駭兒曹助噪聲哇哇

樂郊詩

為劉原甫作一本注
原父鄆州東西也

樂郊何所樂所樂從公遊三日公不出其民感然愁一
聞車馬音從者如雲浮吾問鄆之人無乃失業不云惟
安其業然後樂其休樂郊何所有胡不考公詩有山在
其東有水出逶夷有臺以臨望有沼以游嬉俯仰迷上
下朱欄映清池草木非一種青紅隨四時其餘雖瑣屑
處置各有宜樂郊何以名吾為本其意自古賢哲人所
存非一世當時偶然迹來者因不廢鄆非公久留公去
民孰賴此亭公所登此樹公所憩俾民百年思豈取一

日醉

洗兒歌

為聖俞作一本云前日送酒遂助洗兒輒成短歌更資一笑呈聖俞

月暈五色如虹霓深山猛虎夜生兒虎兒可愛一作憐光

陸離開眼已有百步威詩翁雖老神骨秀想見嬌嬰目

與眉木星之精為紫氣照山生玉水生屏兒一作此翁不

比他兒翁三十年名天下知材高位下衆所惜天與此

兒聊慰之翁家洗兒衆人喜不一作莫惜金錢散問一作隣

里宛陵他日見高門車馬煌煌梅氏子

鳴鳩

崇政殿後
考試所作

天將陰鳴鳩逐婦鳴中林鳩婦怒啼無好音天雨止鳩

呼婦歸鳴且喜婦不亟歸

一作
急還

呼不已逐之其去恨不

早呼不肯來固其理吾老病骨知陰晴每愁天陰聞此

聲日長思睡不可得遭爾聒聒何時停衆鳥笑鳴鳩爾

拙固無匹不能娶巧婦以共營家室寄巢生子四散飛

一身有婦長相失夫婦之恩重太山背恩棄義須臾間

心非無情不得已物有至拙誠可憐君不見人心百態

巧且艱臨危利害兩相關朝為親戚暮仇敵自古常嗟
交道難

代鳩婦言

一本注聞士有
欲弃妻者作

斑然錦翼花簇簇雄鳩相隨樂不足抱雛出卵翅羽成
豈料一朝還反目人言嫁雞逐雞飛安知嫁鳩被鳩逐
古來有盛必有衰富貴莫忘貧賤時女棄父母嫁一作婦

曰歸中道捨君何所之天生萬物各有類誰謂鳥獸為
無知雖無仁義有情愛苟聞此言寧不悲

看花呈

一作有韓

子華內翰

崇政殿後考試作

老雖可憎還可嗟
病眼眵昏愁看花
不知花開桃與李
但見紅白何交加
春深雨露洗新濯
日暖金碧相輝華
浮香著物收不得
含意欲吐情無涯
可愛踈簾靜相對
最宜落日初西斜
時傾賜壺共斟酌
及此蜂鳥方喧譁
凡花易見不足數
禁籞難到堪歸誇
老病對此不知厭
少年何用苦思家

啼鳥

崇政殿後考試
舉人卷子作

提葫蘆提葫蘆不用沽美酒宮

一作官

壺日賜新醅醅老

病足以扶衰朽百舌子百舌子莫道泥滑滑宮花正好

愁雨來暖日方催花亂發苑樹千重綠暗春珍禽綵羽

自成羣花間祇慣迎黃屋鳥語初驚見外人千聲百轉

忽飛去

一作來

枝上自落紅紛紛畫簾陰陰隔宮燭禁漏

杳杳深千門可憐枕上五更聽不似滁州山裏聞

和聖俞

一本二字作八

唐書局後叢莽中得芸香一本之

作用其韻

有芸黃其華在彼衆草中清香濯曉露秀色搖春風幸
依華堂陰一顧曾不蒙大雅彼君子偶來從學宮文章
高一世論議一作議論伏群公多識由博學新篇匪雕蟲唱
酬爛衆作光輝發幽叢在物苟有用得時寧久窮可嗟
凡草木糞壤自青紅

荅劉原父舍人見過後中夜酒定復追昨日所覽
雜記并簡梅聖俞之作

君子忽我顧

一作顧我

貧家復何有虛堂來清風佳果薦濁

酒簡編記遺逸論議相可否欲知所書人其骨多已朽
前者既已然後來寧得久所以昔人云杯行莫停手

文忠集卷七